



Voor meer informatie:  
WTC Building, Piscadera bay z/n  
Tel: (5999) 839.2300  
E-mail: [info@cbs.cw](mailto:info@cbs.cw)  
[www.cbs.cw](http://www.cbs.cw)  
Facebook : cbscur

# Komunikado pa Prensa

Willemstad, 26 di yùni 2023

## Ekonomía di Kòrsou a krese ku 7,9 porshento na aña 2022

Willemstad; Ofisina Sentral di Statistik ta presentá awe e promé resultadonan di e Produkto Interno Bruto (PIB) di Kòrsou pa aña 2022.

Ekonomia di Kòrsou a krese den aktivitat ku 7,9 porshento na aña 2022, despues di un kresementu di mas ku 4 porshento na 2021. E ekonomía a keda resiliente apesar di subida haltu di e sifra di inflashon. Esei a subi aña pasa mas ku a spera te mas ku 7,4 porshento na 2022, esaki debí na subida haltu di preisnan energetiko.

E kresementu ekonómiko ta ser kalkulá a base di volúmen kalkulá ku tabatin den e proseso di produkshon i a base di e desaroyo koyuntural. E informashon aki ta provisorio, pa motibu ku no ta tur datos di tur ramo di empresa ta disponibel ainda. Indikadónan ekonómiko ta estadistikanan ku ta duna e stáтус aktual di e ekonomía di un pais. Esaki ta dependé di sierto área di ekonomía (por ehèmpel industria, labor i preisnan).

Na 2022 a implementá un metodó nobo enkuanto kalkulashon di Produkto Interno Bruto (PIB) konforme preisnan konstante, òf ku otro palabra preisnan real di PIB, esaki ta trese kune ku añanan anterior no ta komparabel enkuanto metodó. Te ku 2021 e PIB segun preisnan nominal, a ser koregí ku e Indise di Preis di Konsumo (CPI) pa yega na e preisnan konstante (real), awor esakinan ta ser koregí pa kada ramo di empresa.

## E desaroyo ekonómiko den diferente ramo di empresa

Na 2022 e aktivitatnan turístiko, for di tur e ramonanan di empresa, tabata e aktivitat ku a generá mas balor agregá, sigui pa e ramo di transporte i pa e ramo di industria di aktivitatnan administrativo i di sosten. Den henter e liña di aktivitatnan ekonómiko tabatin kresementu, ku eksepsion di kuater ramo di empresa, pero e sektornan meshoná tabata sigur e impulsanan prinsipal di kresementu real.

E tendensia den e ramo di *“Transporte i Almasenahe”* ta mostra un kresementu di alrededor di 32 porshento den e aktivitatnan ekonómiko den 2022. Den transporte, generalmente tur aktivitat den haf i na airopuerto a progresá. E kantidat di aktivitatnan di tènker i deposito di konteiner, e kantidat di barkunan ku tripulante pa peso, a oumentá den nan aktivitatnan portuario. Aki mester pensa si riba e influensia kalkulá di e ousensia di un refeneria. Bishita di barkunan krusero i e kantidat di pasaheronan tambe a oumentá, pero ainda e sifranan no ta indiká ku nos a yega na sifranan promé ku e periodo di covid. E aktivitatnan den transporte aereo tambe a krese di un manera signifkativo debí na oumento den e sifranan di pasahero, aterisahe i karga aereo.

Den e ramo di *“Horeca”* (kumpramentu di servisio den akomodashon i aktivitatnan di kuminda) ku ta pertenes na e sektor turístiko a eksperensia un kresementu ku a kontinuá den 2022. E aktivitatnan di hotel i restorant a oumentá konsiderablemente den komparashon ku aña 2021. Destinashonan ku ya tabata bai bon e aña promé, a sigui krese; destinashonan ku tabata presta ménos añanan anterior, awor ta muestra sifranan di kresementu. Si nos wak segun kontinente, e turismo for di Sur Amérika (+140 %) tabata esun ku a krese mas tantu, sigui pa e region di Karibe i Nort Amérika (+125 %) i Europa (+46 %). Tur e desaroyonan aki a kondusí na un subida di e balor agregá den e ramo di empresa *“Hotel i Restorant”* ku 68,4 porshento.

Un kresementu importante, ta di e ramo di empresa *“Industria di aktivitatnan administrativo i di sosten”* ku a oumentá ku 30 porshento. Den e ramo aki tin un kantidat di aktivitatnan ku ta relatá na aktivitatnan turístiko manera hür di outo, administrashon i sosten di kantor i otro trabounan di empresanan di sosten ku a eksperensia un ‘spin-off effect’ pa motibu di e kresementu turístiko.

Aktivitatnan di e ramo di empresa *“Benta i Hür di propiedat”* tin un subida di 1,81 porshento na aña 2022 esaki pa motibu di kresementu den kantidat hür di lokalidat.

E kontribushon di e ramo di *“Gobièrnu”* na e desaroyo ekonómiko real tabata ménos na aña 2022. Tin un bahada di 9,6 porshento konstatá.

Den e ramo di *“Arte, entretenimentu i rekreashon”* ta muestra un subida di mas ku 18 porshento (18,3%). E kresementu di e aktivitat aki tambe ta relashoná por parti ku turismo.

Pa mas detaye tokante otro ramonan di empresa i mas detaye enkuanto e desaroyo ekonómiko di aña 2022 por baha e artíkulo *“Economische Ontwikkeling 2022: Een rijzende economie”* for di e wèpsait di CBS, [www.cbs.cw](http://www.cbs.cw)